



# Komunikado

16 di febrüari 2023

## **Cft: "Sint Maarten, kontinuá ku e proseso di mehorashon"**

**Philipsburg – Kolegio di supervishon finansiero Kòrsou i Sint Maarten (Cft) den kòmbersashon ku Minister di Finansa di Sint Maarten a konstatá ku Sint Maarten ta dal pasonan pa dilanti den mehorashon di e proseso presupuestario. Konseho di Minister di Reino (RMR) a urgi Sint Maarten pa aprobá e presupuesto 2023 promé ku 31 di mart 2023. E presupuesto mester kumpli ku e normanan presupuestario ku ta stipulá den e Lei di Reino di supervishon finansiero Kòrsou i Sint Maarten (Rft).**

Segun Rft e presupuesto 2023 mester tabata aprobá promé ku 15 di desèmber 2022. Sint Maarten no a alkansá e deadline aki i a indiká ku e lo entregá e presupuesto 2023 mas lihé posibel na Parlamento, di moda ku por aprobá esaki promé ku e deadline di 31 di mart ku RMR a establecé.

### **Invershonnan**

E nivel di invershonnan públiko di Sint Maarten ya pa un tempu ta abou. Esaki ta pone ku Sint Maarten no ta usa su oportunidatnan pa stimulá desaroyo ekonómiko duradero. Den 2022 Sint Maarten tabata intenshoná pa finansiá ANG 15 mion na invershonnan pa medio di Hulanda su inskripsjon kontínuo. Mirando ku Sint Maarten a inkluí un défisit significativamente mas haltu ku RMR ta pèrmití den su adaptashon di presupuesto 2022 aprobá, Cft no por a duna un konseho positivo riba e petishon pa finansiamentu. Gobièrnu ta trahando awor pa supstanshá adekuadamente e invershonnan den presupuesto 2023.

### **Kuido i seguridat sosial**

Den 2022 Sint Maarten a pone e promé pasonan pa redusí e défisitnan den e fondonan di kuido. Por ehèmpel entrante 1 di sèptèmber 2022 Sint Maarten a subi e límite di suèldo pa e Seguro di Malesa i Seguro di Aksidente i a kuminsá ku un programa pa redusí gastu di remedi. Cft a deliberá ku Konseho di Minister i e órgano ehekutivo Seguronan Sosial i di Malesa tokante di e reformanan planeá i e importansia di tin un presupuesto (di mas aña) pa e fondonan sosial, ku ta realístiko i supstansiá adekuadamente. Ku introdukshon di un seguro general entrante 1 di yanüari 2024, Sint Maarten ta spera di por redusí e défisitnan den e fondonan sosial den un forma struktural.

### **Subida entradanan fiskal**

Sint Maarten su preshon di impuesto i prima kualnan ta suma aproksimádamente 27 porshento di su produkto interno bruto (GDP), internashonalmente mirá ta abou. Cft ta konsehá Sint Maarten pa introdusí riba término kòrtiku impuesto riba casino i impuesto riba benta riba e importashon privá di merkansia. Ya Sint Maarten ta trahando riba un reforma di e impuesto riba estadia riba hürmentu di bibienda na turista. Tambe Sint Maarten ke inkluí sitionan di benta di number den kobransa di impuesto i prima. Durante di su kòmbersashon ku e Minister di Finansa, Cft a enfatisá ku modernisashon di e sistema di impuesto i di e Departamentu di Impuesto ta nesesario pa por mehorá kumplimentu ku impuesto (compliance). Interkambio i interkonekshon di datonan i failnan entre e organisashonnan di ehekushon ta di gran importansia den e quadro aki.



### **Maneho finansiero**

E último lunanan Sint Maarten a investigá vários proseso di trabou finansiero i a limpia diferente kuenta (intermediario). Den yanüari 2023 a aprobá e kuentanan anual di 2019 i 2020. Ku esaki e retraso en konekshon ku produkshon i aprobashon di e kuentanan anual pa gran parti ta eliminá. E espektativa ta ku lo aprobá e kuenta anual di 2021 riba un término kortiku. Ademas Sint Maarten ta trahando pa hasi e proseso pa yega na produkshon i kòntrol di e kuentanan anual mas kòrtiku. Cft ta enfatisá importansia di un implementashon duradero di e mehorashonnan ku ta surgi for di e proyektonan pa mehorá e kalidat di e maneho finansiero den forma struktural. Sufisiente kapasidat pa logra esaki ta importante.

Entrante 1 di febrüari 2023 a nombra señora Lidewijde Ongering komo presidente di Kolegio di supervishon finansiero di Kòrsou i Sint Maarten, Kolegio di supervishon finansiero di Aruba i Kolegio di supervishon finansiero di Boneiru, Saba i Sint Eustatius. Cft a bishitá Sint Maarten riba 15 en 16 di febrüari i a hiba kòmbersashon ku Gobernador, Konseho di Minister, Minister di Finansa i Parlamento. Cft a kòmbersá tambe ku e Órgano Ehekutivo di Seguronan Sosial i di Malesa i direktor di Princess Juliana International Airport.

Riba 13 di febrüari 2023 Kolegio di supervishon finansiero di Boneiru, Saba i Sint Eustatius (Cft BES) a bishitá Saba kaminda el a hiba kòmbersashonnan ku Kolegio Ehekutivo i Konseho Insular. Tambe Cft a bishitá e sitio di konstrukshon di e aeropuerto nobo. Riba 14 di febrüari 2023 Cft BES a kòmbersá ku Kolegio Ehekutivo na Sint Eustatius i a haña un rekorido riba Global Terminal Investments Statia.

[Fin di komunikado]

**Foto:**

Edgardo Lynch

**Teksto pa potret:**

Sint Maarten mester aprobá e presupuesto promé ku 31 di mart 2023.

**Nota pa redakshon – no pa publikashon**

Kontakto na Cft:

Sekretariado Kolegionan di supervishon finansiero

Telefòn +5999 461-9081 / +5999 461-9082 / +5999 461-9084

Email [info@cft.cw](mailto:info@cft.cw)

Website [www.cft.cw](http://www.cft.cw)

Persona di kontakto pa prensa:

Jefka Martina

Telefòn +5999 512-6861